

ՔԱՆԱՆԱՅԱԿԱՆ ՁԵՌՆԱԴՐՈՒԹՅՈՒՆ ԵՎ ՎԵՂԱՐԻ ՏՎՉՈՒԹՅՈՒՆ ՄԱՅՐ ԱԹՈՈՒ ՍՈՒՐԲ ԷԶՄԻԱԾՆՈՒՄ

«Գնացեք այսոսկեպուն, աշակերտեցեք զանկանայն հեթանոսս, մկրտեցեք զնոսս յանուն Հոր ևս Որդոյ ևս Հոգւոյն Սրբոյ»:

(Մաթթ. ԻԸ 19)

Սույն թվականի հունվարի 14-ին, Ս. Հովհաննես Կարապետի Կոնի նախօրյակին, Մայր Տաճարի վեհաշուք և լուսեղեն կամարների ներքո Կոնի ունեցավ քահանայական ձեռնադրություն՝ բարձր նախագահությամբ Ն.Ս.Օ.Տ.Տ Գարեգին Բ Վեհափառ Հայրապետի:

Ձեռնադրության այդ հիասքանչ խորհուրդը փոխանցվել է դեռևս մեր Տեր Հիսուս Քրիստոսից: Մեր Փրկչի հրաշափառ համբարձումից հետո առաքյալները «հրամանան Սրբոյ Հոգւոյն» և Պետրոս առաքյալի ձեռամբ Հակոբոս Տյառնեղբորը կարգեցին Երուսաղեմի առաջին եպիսկոպոս ու քահանայապետ:

Առաքելական այդ կանոնների պահպանման և ժողովրդի հոգևոր պետքերը բավարարելու համար էր, որ յոթ շնորհալի սարկավագներ, որոնք իրենց պատրաստակամությունն էին հայտնել աշակերտելու և հետևելու Հայ Առաքելական Սուրբ Եկեղեցու կանոններին, «կամօքն Աստուծոյ» արժանացան քահանայական ձեռնադրության՝ Արքայ սրկ. Սահակյան, Աշոտ սրկ. Ղազարյան, Մամվկ սրկ. Կիրակոսյան, Հայկ սրկ. Պողոսյան, Արսեն սրկ. Պարտուրյան, Բարկեն սրկ. Նանյան և Արման սրկ. Մարոյան՝ խարտավիլակությամբ Տ. Եզնիկ եպս. Պետրոսյանի:

Ըստ Հայաստանյայց Առաքելական Եկեղեցու Ձեռնադրության Մաշտոցի, հունվարի 13-ին, Անվանակոչության Կոնի իրիկնամուփին, Մայր Տաճարի Իջման Ս. Սեդակի առջև Կոնի ունեցավ բարեշնորհ սարկավագների ընծայման կարգը՝ «կոչումն քահանայութեան»:

Քաղցրալուր «Նայեաց ի մեզ» շարականի հնչյունների ներքո ընծայացուները ծնրադիր մոտեցան Եպիսկոպոսապետին և, խարտավիլակ Սրբազան Հոր «Հրամայեա Տեր օրհնութեամբ ասե»՝ ազդակից հետո, ձեռնադրող Հայրապետն ընծայացուների համար հայցեց Սուրբ Հոգու շնորհը՝ դրան ավելացնելով նաև իր հայրապետական օրհնությունը: Արարողության խարտավիլակ Եզնիկ եպս. Պետրոսյանը վկայեց ընծայացուների հոգևոր ու մարավոր պատրաստակամության, ինչպես նաև Հայաս-



ՄԻ ՊԱՆ ԶԵՐԱՆԱԳՐՈՒԹՅՈՒՆՆԵՐ

(Զաւթից աջ) Տ. Ավարիւ աբեղա Սահակյան, Տ. Վիրապ քահանա Դազարյան,
 Տ. Խորեն քահանա Կիրակոսյան, Տ. Սիլվիկս աբեղա Դուռյան, Տ. Վազգէն աբեղա
 Նանյան, Տ. Մանթրն քահանա Դաւիթյան, Տ. Պարթ աբեղա Սարգսյան

տանյայց Առաքելական Եկեղեցու որպես քահանա անձնագոհ պատրաստակամության մասին: Այնուհետև «ի ծուկս... առաջի սեղանոյ իջման տեղոյն» ընծայալները հանդիսավոր ընթերցեցին Ս. Գրիգոր Տաթևացու սահմանած «Հաւարոյ խոստովանութիւնը», իբրև ուխտի նշան. «...Ճշմարտութեամբ եւ ուղղութեամբ խղճի մտացս եւ սրտիս երդնում գերդումն սուրբ ըստ առաջիկայ պայմանաց»:

Խորհրդավոր ծիսակատարությունն ավարտվեց «Պահպանիչ»-ով և Տերունական աղոթքով:

Հաջորդ օրը, կիրակի առավոտյան, Մայր Տաճարի Սուրբ Սեղանի վրա մատուցվեց Սուրբ Պատարագ: Պատարագիչն էր Ն.Ս.Օ.Տ.Տ Գարեգին Բ Ամենայն Հայոց Հայրապետը: Հրեթաց Սուրբ Պատարագի, «Զի ողորմած եւ մարդասեր ես» աղոթքից հետո, խարոսկովիակ Սրբազան Հայրն ընծայացուներին ծնրաղիբ առաջնորդեց Ավագ Խորան՝ առ ոչս ձեռնադրող Հայրապետի: Վկայելով նրանց հոգևոր ու մտավոր հասունության մասին՝ «Գիտեմք եւ վկայեմք զոսս արժանատր զո՛ւ առ ի բառնալ զլուծ աստիճանաց», խնդրեց Եպիսկոպոսապետին, որպեսզի սարկավագներին արժանացնի սրբալույս խորհրդին՝ ձեռնադրությանը: Խարոսկովիակ Սրբազան Հոր «Ընկալցի գրեզ Տէր» ազդարարությունից հետո նվիրյալները «ձեռս ի վեր առնալ» շրջվեցին դեպի ժողովուրդը և կնքեցին իրենց սրբազան ուխտը՝ հրաժարվելով աշխարհիկ կյանքից: Այս ընթացքում հնչեց հոգեպարար և ոգեշունչ «Աստուածային եւ երկնավոր շնորհ...» շարականը, և նվիրյալները կոչվեցին «ի սարկաւագութենէ ի քահանայութիւն»: Այնուհետև նորընծաները ծնկաչոք մտրեցան Եպիսկոպոսապետին, և նա ձեռնադրելով յուրաքանչյուրին՝ արտասանեց. «Ես դնեմ զձեռս ի վերայ սորա, եւ դուք ամենեքեան աղօթս արարէք, զի արժանի լիցի սա զաստիճան քահանայութեան» աղոթքը: Նորընծաներին, որպես քահանայական իշխանության խորհրդանիշ, շնորհվում է փիլոն, շուրջառ և սաղավար, որից հետո Ավագ Սուրբ Սեղանի վարագույրը փակվում է, ուր նորընծաները զգեստավորվում են:

Համապատասխան երգեցողություններից և սաղմոսասացություններից հետո, մտրեմուն է այդ սրբազան արարողության ամենախորհրդավոր պահը: Հանդիսավորապես Ավագ Սուրբ Սեղան է բերվում Կենարար և Սրբալույս Մյուռնով լի Աղավնին, որն էլ իր անջնջելի կնիքն է թողնում նորընծաների վրա: Հայոց Հայրապետը Սրբալույս Մյուռնով օծում և օրհնում է յուրաքանչյուրի ճակատը, աջ և ձախ ձեռքերը՝ անվանակոչելով Արարիկ սրկ. Սահակյանին՝ Տ. Ավետիս քահանա, Աշոտ սրկ. Ղազարյանին՝ Տ. Վիրապ քահանա, Սամվել սրկ. Կիրակոսյանին՝ Տ. Խորեն քահանա, Հայկ սրկ. Պռոշյանին՝ Տ. Մկրտիչ քահանա, Արսեն սրկ. Պատրոյանին՝ Տ. Մամբրե քահանա, Բաբկեն սրկ. Նանյանին՝ Տ. Վազգեն քահանա, և Արման սրկ. Սարոյանին՝ Տ. Գևորգ քահանա: Օծման արարողությունից հետո նորընծաներն Ավագ Խորանից հոգեցին իրենց անդրանիկ օրհնությունը՝ «Խաղաղութիւն ամենեցուն»:

Եկեղեցում հավաքված հոգևորականաց դասին և հավաքավոր ժողովրդին համակել էր ուրախությունն ու բերկրանքը, քանզի եւս յոթ հոգի հոժարակամորեն իրենց

կորովն ու եռանդը ներդրեցին ի նպաստ Հայաստանյայց Առաքելափման Սուրբ Եկեղեցու և Ազգիս Հայոց:

Յավարտ Սուրբ Պապարագի Ն.Ս.Օ.Տ.Տ. Գարեգին Բ Կաթողիկոսն իր հայրապետական օրհնությունն ու շնորհավորանքի խոսքն ուղղեց նորընծաներին և հավաքացյալներին:

«Փա՛նք քեզ, Աստուած, փա՛նք քեզ, յաղագս ամենայնի, Տէ՛ր, փառք քեզ»:

Սիրելի՛ բարեպաշտ հավարացյալներ.

Օրհներգության այս բառերը մեր շուրթերից որպես գոհաբանական աղոթք ենք առ Աստված բարձրացնում՝ ունենալով, արդարև, փառաբանության բազում առիթներ: Մենք փառք ենք տալիս Աստծուն, որ ձեզ հետ միասին շնորհին արժանացանք դիմավորելու երրորդ հազարամյակը, որ բացվում է հայոց կյանքում քրիստոնեությունը Հայաստանում պետական կրոն հռչակելու 1700-ամյակով: Մենք փառաբանություն ենք առ Աստված բարձրացնում, որ խորհրդային անաստվածության տարիները փլուզվեցին, և մենք նոր դար, նոր հազարամյակ մուտք ենք գործում Հայոց անկախ պետականությանը, հավաքքի Լուսավորչի կանթեղի ջախը վերստին վառված: Մենք փառք և գոհություն ենք առ Աստված բարձրացնում, որ Հայաստանյայց Առաքելական Սուրբ Եկեղեցին այսօր վերստին նորացած իր առաքելությունն է իրականացնում մեր ժողովրդի կյանքից ներս՝ կրթական հոգևոր հաստատություններից նոր սերունդ հասցնելով մեր ժողովրդի սպասավորության նվիրական և սուրբ գործին: Մենք փառք և գոհություն ենք առ Աստված բարձրացնում այսօրվա համար, որ արժանի դարձրեց մեզ աղոթքով, խնդրանք ու հայցով մասնակիցը լինելու ձեռնադրության սրբազան այս արարողությանը, որին յոթ ուխտյալներ իրենց վճռականությամբ ձերադրեցին Սուրբ Սեդակի առջև Միածնաէջ՝ իրենց ծառայության ուխտը կատարելով մեր ժողովրդին և մեր Եկեղեցուն: Նրանցից չորս սիրելիներ պիտի երեկոյան մասնավոր աբարողությամբ սրբանուն վեղարներ լինելով Հայ Եկեղեցու անդամականից ներս որպես կուսակրոն քահանաներ, իսկ երեքը, որպես ամուսնացյալ սպասավորները մեր Եկեղեցու, իրենց ծառայությունը պիտի բերեն Հայաստանյայց թեմերից ներս:

Արդարև՝ «Բազում են հունձք, եւ սակաւ մշակք»: Վիշապակեցիներ խորհրդրային անաստվածության տարիները, որոնք իրենց ավերիչ դրոշմը թողեցին մեր եկեղեցական կյանքից ներս. խոնարհվեցին բազում եկեղեցիներ, աքաղակեցին բազում հոգևոր սպասավորներ սփբիրյան խորքերը, ուր և կնքեցին իրենց մահկանացուն: Փակվեցին աղոթքի բազում տներ մեր ժողովրդի առջև, սակայն հայոց հավաքը երբեք չդադարեց ճառագելուց, երբեք չդադարեց լուսավորելուց մեր ժողովրդի ճանապարհը առ Աստված ձգվող՝ շնորհիվ այն նվիրյալ Հայրապետների, որոնց անուններով կնքե-

ցինք այսօր մեր նոր ձեռնադրյալ, օձյալ զավակներին, շնորհիվ Մկրտիչ Խրիմյան, Խորեն Մուրադբեկյան, Գևորգ Չորեքյան, Վազգեն Առաքին և նաև Ի դարավարդին զահակալած Գարեգին Առաքին երանյալ Հայրապետների:

Միեկի նոր ձեռնադրյալ զավակներ մեր Եկեղեցու.

Հայրապետներ, որոնց անունները մենք քիչ առաջ թվարկեցինք, կերպեցին քսաներորդ դարի մեր ժողովրդի և մեր Եկեղեցու պարմությունը, կերպեցին անմնացորդ նվիրումով, անհուն զոհաբերություններով, իրենց հավարթով և իրենց հայրենասիրությամբ, դժվարին պայմաններում, ծանր վիճակներում հանձնառու եղան կրելու ամեն զրկանք, ամեն չարչարանք, ամեն տառապանք, վասն ազգի և վասն Դսուսի Զրիսրոսի: Նրանք իրենց առջև ունեին կերպարը մեծ վարդապետի, որ Գողգոթա բարձրանալով և խաչի վրա կանգնելով հաղթեց, հաղթանակեց իր սիրով, հաղթանակեց երբեք չնվազող և չմահացող հույսով ու անսասան հավարթով առ Աստված: Այդպես էլ մեր Հայրապետները, պահելով իրենց հավարարմությունը մեր Տիրոջ՝ Դսուս Զրիսրոսին, և պարգաւներին մեր Սուրբ Հայրերի, կարողացան դարը լուսավոր հավարքի առաջնորդել և նոր հազարամյակը մեր առջև քանալ հույսով, հավարով, երազներով ու տեսիլքով լեցուն:

Մենք անունները մեր Հայրապետների դրեցինք ձեզ վրա՝ հավարալով, որ, օրինակն ունենալով նրանց կրանքի և հավարալոր գործերի, պիտի նույն նվիրումով և նույն սիրով ձեր ծառայությունը մատուցեք մեր ժողովրդին, պիտի կարողանաք, Զրիսրոսին ունենալով ձեզ առաջնորդող, Նրա ծանր լուծը թեթևությամբ կրել ձեր ուսերի վրա՝ երբեք չըկարանալով ձեր հավարքի մեջ, երբեք չըկարանալով տեսնելու այն ճշմարիտ ուղին, որ առաջնորդում է մեր ժողովրդին դեպի փրկություն և դեպի իր դարավոր երազների իրականացում: Ինձ համար և, վարահաբար, մեր ժողովրդի բոլոր զավակաց համար ցնծության, բերկրանքի, ուրախության պահ է այս պահը, երբ Մայր Աթոռի Ավագ Խորանի վրա կանգնած են յոթ ուխտյալներ, որ պիտի գան լրացնելու, համալրելու շարքերը հայ եկեղեցականաց, որ նուր է և անբավարար՝ այսօրվա մեր հոգևոր առաքելությունը մեր ժողովրդի կրանքում ամբողջապես, արդյունավետ, արգասաբեր կերպով իրականացնելու համար: Ժողովուրդը պետք ունի սպասավորի, սակայն այն սպասավորի, որը զիրեն դարման անել նրա կաշիքներին, նրա ցավերին, նրա տառապանքներին, ժողովուրդը պետք ունի սպասավորի, որը զիրեն առաջնորդ լինել անհուսության ու անորոշությունների մեջ՝ դուրս բերելով լուսավոր ճանապարհներ, հույսի ճանապարհի վրա կանգնեցնելով մեր ժողովրդի զավակաց: Ժողովուրդը պետք ունի հանձնառու, նվիրյալ, անձնազոհ, ծառայատեր եկեղեցականի, որպեսզի կարողանա իր հավարքը

միշտ վառ պահել և իր քայլեր միշտ ուղղյալ դեպի մեր սրբազան տաճարները, դեպի վանքերը, որոնք առաջնորդում են մեր ժողովրդին ահա 1700 տարիներ դեպի Աստված: Մենք այս վարսահույսամբ և հավատքով մեր ձեռքը դրեցինք ձեզ վրա և օժեցինք ձեզ, կնքելով մեր երանաշնորհ Հայրաձեռքը դրեցինք ձեզ, որպես պարտավորություն պիտի ընկալեք արպեղների անուններով ձեզ, որպես պարտավորություն լուսավոր անուն-ժանացումը՝ ձեր այդ մեծ շնորհին՝ Հայոց Հայրապետների լուսավոր անունների կրումին, և պիտի կարողանաք ձեր կյանքով, ձեր վարքով ու ընթացքով միշտ փառավորել նրանց անունները, լույսի պսակ հյուսել նրանց անվան շուրջ՝ հավաքո՞ւնք ձեր գործերով:

Այս ուրախ, այս բերկրաշատ առիթով ես իմ շնորհավորանքն եմ բերում մեր բարեպաշտ հավաքացյալ ժողովրդին, շնորհավորում եմ նաև մեր միաբանությանը, որոնք սիրով, ուրախությամբ պիտի գրկեն ձեզ՝ իրենց շարքերում ընդունելով: Մեր գնահատանքը, մեր շնորհավորանքը ուզում ենք բերել նաև ծնողաց, բարեկամներին, հարազատներին՝ ձեր, որոնք տարիներ շարունակ իրենց սպասումներն են ունեցել, թե ե՞րբ պիտի արժանի լինեն այս օրվան, տեսնելու ձեզ կանգնած խորանի առջև՝ ձեր ուխտը կատարելիս: Մենք այս առիթով նաև մեր գնահատանքն ենք ուզում բերել մեր մանկավարժներին՝ կրթական հաստատությանց, նրանց տնօրեն վարչություններին և բոլոր, բոլոր այն անձանց, որոնք մաս ու բաժին, լուրս ունեն ձեր աճի, ձեր հասակի, մրցով ու հոգով ձեր գործացման ազնիվ գործի մեջ:

Մեր աղոթքն է, որ Տերն արգասաբեր դարձնի ավագանը մեր Մայր Եկեղեցու, որտեղից պիտի ծնվեն սպասավորներ Հայաստանյայց Առաքելական Սուրբ Եկեղեցու և հավատավոր մեր ժողովրդի, մեր աղոթքն է, որ մեր սպասավորները արժանիորեն վաստակեն սերն ու հարգանքը հավաքացյալ հայրդից և իրենց հավաքի կենդանի՝ գործերով, իրենց նվիրումով, իրենց սիրով: Մեր աղոթքն ու մաղթանքն է նաև, որ մեր բարեպաշտ ժողովրդի զավակույնք գիրման, գնահատեն հանձնառությունը՝ իրենց սպասավորող եկեղեցեկաւուց, որոնք Երաժշտական Սուրբ Խորանի առջև ծնրադրել և ուխտել են ծառայելու ձեզ անվերապահորեն և ի պահանջել հարկին նաև զոհաբերել իրենց կյանքը՝ ձեր հոգևոր շինության, ձեր կյանքի բարօր խաղաղ ընթացքի համար: Միաժամանակ սուրբ այս Տաճարի Ավագ Խորանից մեր աղոթքն ենք նաև առ Աստված բարձրացնում, որ Տերը պահի մեզ միասնական, ամբողջ ու անխռով. ժողովուրդ և պետություն այս համաձայնությամբ է նոր հազարամյակը սկսել՝ կյանքը դարձնելու համար երջանկաբեր, բարեբեր, հայոց զավակաց համար ի ախյոռն աշխարհի, որպեսզի այս տարում, այս հազարամյակում չկրկնվեն մեր ժողովրդի կյանքում այն աղետները, այն ողբերգությունները, որ անդամահարեցին մեզ ու պանդուխտ դարձրեցին, ցրիվ տվեցին ողջ աշխարհով մեկ մեր բեկորները, որպեսզի մենք ապավինենք ազգային միասնական մեր այդ ու-

ժին, կարողանանք մեր առջև բարձրացող, մեր առջև հառնող բոլոր տեսակի դժվարություններն ու խոչընդոտները՝ ապավինած մեր հայրերի Ասրծուն, ապավինած մեր սուրբ հայրերին, սրբազան հավատքին՝ հաղթանակել և փառքը միշտ մեր շուրթերի վրա կրել, որպես գոհաբանական աղոթք առ Աստված միշտ արտասանելով. «Փա՛նք քեզ, Աստուած, փա՛նք քեզ, յաղագս ամենայնի, Տէր, փա՛նք քեզ»:

Տիրոջ սերը, շնորհը և խաղաղությունն են հայցում, որ լինի մեզ հետ այժմ և միշտ և հավիտյանս. ամեն»:

Նուն օրը, երեկոյան ժամերգությունից առաջ, Հայոց Հայրապետի հանդիսապետությամբ Կեղի ունեցավ նորած Ս. Ավետիս, Ս. Մկրտիչ, Ս. Վազգեն և Ս. Գևորգ քահանաների վեղարի ավչությունը: Համաձայն Հայ Եկեղեցու կարգաց և կանոնաց, կուսակրոն քահանաները, ի փարբերություն ամուսնացյալների, կրում են վեղար՝ ի նշան կուսակրոնության, և ապրում վանական կյանքով:

Գևորգյան Հոգևոր Ճեմարանի Կենտրոնն ու ուսանողությունը նույնպես ջերմագին շնորհավորում են նորապսակ քահանաներին և մաղթում, որ անսասան մնան իրենց առաքելության մեջ, այն հույսով ու հավատով, որ նրանք ողջ ուժերն ու եռանդն ի սպաս կդնեն ի ծառայություն և ի բարօրություն Հայաստանյայց Եկեղեցու և նրա հավաքավոր զավակաց:

«Եւ նորա ելեալ քարոզէին ընդ ամենայն երկիր Տեառն գործակցութեամբ եւ զբանն հաստատելին ամենայն նշանօք, որ երթայր զհետ նոցա» (Մարկ. ԺԶ 20):

ՀԱՅԿ ԴՊԻՐ ԲԱՐՍԵՂՅԱՆ

Գևորգյան Հոգևոր Ճեմարանի Բ լսարանի սան

Տ. ԱՎԵՏԻՍ ԱՐԵՂԱ ՄԱՆԱԿՅԱՆ

(ավագանի անունը՝ Արտակ)

Ծնվել է 1975 թ. նոյեմբերի 22-ին Երևան քաղաքում:

1983-1993 թթ. սովորել և ավարտել է Զվարթնոցի № 12 միջնակարգ դպրոցը:

1993 թ. ընդունվել է Սևանի Վազգենյան Հոգևոր Դպրանոց և ավարտել 1998 թ.:

1997 թ. դեկտեմբերի 25-ին ձեռնադրվել է սարկավագ՝ ձեռամբ Տ. Գարեգին արքեպս. Ներսիսյանի:

1998-1999 թթ. ուսումը շարունակել է Էջմիածնի Գևորգյան Հոգևոր Ճեմարանում:

2000 թ. Գևորգյան Հոգևոր Ճեմարանում պաշտպանել է ավարտաճառ՝ «Մուրբ Գրիգոր Նյուսացին և նրա «Մովսեսի կյանքը» երկը» թեմայով:

2001 թ. հունվարի 14-ին ձեռնադրվել է կուսակրոն քահանա՝ ձեռամբ Ն.Ս.Օ.Տ.Տ. Գարեգին Բ Վեհափառ Հայրապետի:

Տ. ՄԿՐՏԻՉ ԱՐԵՂԱ ՊՈՈՇՅԱՆ

(ավագանի անունը՝ Հայկ)

Ծնվել է 1975 թ. օգոստոսի 13-ին Էջմիածին քաղաքում:

1982-1992 թթ. սովորել և ավարտել է Կելդի Խ. Աբովյանի անվան միջնակարգ դպրոցը:

1993 թ. ընդունվել է Սևանի Վազգենյան Հոգևոր Դպրանոց և ավարտել 1998 թ.:

1998-1999 թթ. ուսումը շարունակել է Էջմիածնի Գևորգյան Հոգևոր Ճեմարանում:

1999 թ. մայիսի 23-ին ձեռնադրվել է սարկավագ՝ ձեռամբ Տ. Ոսկան արքեպս. Գալիպաքյանի:

2000 թ. Գևորգյան Հոգևոր Ճեմարանում պաշտպանել է ավարտաճառ՝ «Խոսքով Անձևացու «Պատարագի մեկնության» աստվածաբանությունը» թեմայով:

2001 թ. հունվարի 14-ին ձեռնադրվել է կուսակրոն քահանա՝ ձեռամբ Ն.Ս.Օ.Տ.Տ. Գարեգին Բ Վեհափառ Հայրապետի:

Տ. ՎԱԶԳԵՆ ԱՐԵՂԱ ՆԱՆՅԱՆ

(ավագանի անունը՝ Բաբկեն)

Ծնվել է 1976 թ. հոկտեմբերի 15-ին Երևան քաղաքում:

1983 թ. ընդունվել է Կելդի Ձերժինսկու անվան № 20 միջնակարգ դպրոցը և 1993 թ. ավարտել № 114 միջնակարգ դպրոցը:

1993 թ. ընդունվել է Սևանի Վազգենյան Հոգևոր Դպրանոց և ավարտել 1998 թ.:

1998-1999 թթ. ուսումը շարունակել է Էջմիածնի Գևորգյան Հոգևոր Ճեմարանում:
 1999 թ. մայիսի 23-ին ձեռնադրվել է սարկավազ՝ ձեռամբ Տ. Ոսկան արքեպս.
 Գալիաքյանի:

2000 թ. Գևորգյան Հոգևոր Ճեմարանում պաշտպանել է ավարտաճառ՝ «Մուրր
 Հոգու եզրաբանությունը և «Բխում» եզրի արտացոլումը հայ դավանաբանական
 ասարկածաբանության մեջ» թեմայով:

2001 թ. հունվարի 14-ին ձեռնադրվել է կուսակրոն քահանա՝ ձեռամբ Ն.Ս.Օ.Տ.Տ.
 Գարեգին Բ Վեհափառ Հայրապետի:

Տ. ԳԵՎՈՐԳ ԱՔԵՂԱ ՄԱՐՈՅԱՆ

(ավագանի անունը՝ Արման)

Ծնվել է 1977 թ. հուլիսի 28-ին Մասիս քաղաքում:

1983-1993 թթ. սովորել և ավարտել է Մարմարաշենի միջնակարգ դպրոցը:

1993 թ. ընդունվել է Սևանի Վազգենյան Հոգևոր Դպրանոց և ավարտել 1998 թ.:

1998-1999 թթ. ուսումը շարունակել է Էջմիածնի Գևորգյան Հոգևոր Ճեմարանում:

1999 թ. մայիսի 23-ին ձեռնադրվել է սարկավազ՝ ձեռամբ Տ. Ոսկան արքեպս.

Գալիաքյանի:

2000 թ. Գևորգյան Հոգևոր Ճեմարանում պաշտպանել է ավարտաճառ՝ «Գրիգոր
 Խլաթեցու Հայսմափութըն ըստ Էջմիածնի մարտենադարանի ձեռագրերի» թեմայով:

2001 թ. հունվարի 14-ին ձեռնադրվել է կուսակրոն քահանա՝ ձեռամբ Ն.Ս.Օ.Տ.Տ.
 Գարեգին Բ Վեհափառ Հայրապետի:

Տ. ՎԻՐԱՊ ԺԱՆՄԱՆ ՂԱԶԱՐՅԱՆ

(ավագանի անունը՝ Աշոտ)

Ծնվել է 1973 թ. Էջմիածին քաղաքում:

1980-1990 թթ. ուսանել է Զվարթնոցի № 10 միջնակարգ դպրոցում:

1991 թ. ընդունվել է Էջմիածնի Գևորգյան Հոգևոր Ճեմարան և ավարտել 1997 թ.:

1996 թ. ձեռնադրվել է սարկավազ:

2000 թ. դեկտեմբերի 15-ին պաշտպանել է ավարտաճառ՝ «Մայր Աթոռ Սուրբ
 Էջմիածնի փայտանը 1771-1800 թթ.» թեմայով:

2001 թ. հունվարի 14-ին ձեռնադրվել է քահանա՝ ձեռամբ Ն.Ս.Օ.Տ.Տ. Գարեգին Բ
 Վեհափառ Հայրապետի:

Տ. ԽՈՐԵՆ ՔԱՇԱՆԱ ԿԻՐԱԿՈՍՅԱՆ

(ավագանի անունը՝ Սամվել)

Ծնվել է 1975 թ. մարտի 15-ին Էջմիածին քաղաքում:

1980-1990 թթ. սովորել և ավարտել է Առաքաշենի միջնակարգ դպրոցը:

1992 թ. ընդունվել է Սևանի Վազգենյան Հոգևոր Դպրանոց և ավարտել 1997 թ.:

1997-1998 թթ. ուսումը շարունակել է Էջմիածնի Գևորգյան Հոգևոր Ճեմարանում:

1998 թ. սեպտեմբերի 20-ին ձեռնադրվել է սարկավագ՝ ձեռամբ Տ. Արախամ եպս.

Մկրտչյանի:

2000 թ. Գևորգյան Հոգևոր Ճեմարանում պաշտպանել է ավարտաճառ՝ «Մայր Աթոռ Սուրբ Էջմիածնի «Էջմիածին» շաբաթաթերթը» թեմայով:

2001 թ. հունվարի 14-ին ձեռնադրվել է քահանա՝ ձեռամբ Ն.Ս.Օ.Տ.Տ. Գարեգին Բ Վեհափառ Հայրապետի:

Տ. ՄԱՍԲՐԵ ՔԱՇԱՆԱ ՊԱՏՈՒԹՅԱՆ

(ավագանի անունը՝ Արսեն)

Ծնվել է 1976 թ. ապրիլի 6-ին Էջմիածին քաղաքում:

1983-1993 թթ. սովորել և ավարտել է Կոնի Բ. Պարկանյանի անվան № 9 միջնակարգ դպրոցը:

1993 թ. ընդունվել է Էջմիածնի Գևորգյան Հոգևոր Ճեմարան և ավարտել 1999 թ.:

1999 թ. մայիսի 23-ին ձեռնադրվել է սարկավագ՝ ձեռամբ Տ. Ոսկան արքեպս.

Գալիաթյանի:

2000 թ. Գևորգյան Հոգևոր Ճեմարանում պաշտպանել է ավարտաճառ՝ «Ռուսաստանի հայկական գաղթօջախները և թեմի հաստատումը» թեմայով:

2001 թ. հունվարի 14-ին ձեռնադրվել է քահանա՝ ձեռամբ Ն.Ս.Օ.Տ.Տ. Գարեգին Բ Վեհափառ Հայրապետի: